

U skladu sa članom 86. Statuta Univerziteta za poslovni inženjering i menadžment Banja Luka, Senat Univerziteta na svojoj sjednici održanoj 14.3.2011. godine donosi

## **STATUT STUDENTSKOG PARLAMENTA PIM UNIVERZITETA**

### **I. OPŠTE ODREDBE**

#### **Član 1.**

Statutom Studentskog parlamenta PIM Univerziteta (u nastavku: Statut) uređuje se:

- sastav Studentskog parlamenta Univerziteta za poslovni inženjering i menadžment (u nastavku: Univerzitet),
- tijela Studentskog parlamenta Univerziteta,
- postupak izbora i nadležnost pojedinih tijela Studentskog parlamenta Univerziteta,
- način izbora predstavnika studenata u Senat i druga tijela Univerziteta,
- odgovornost tijela i članova Studentskog parlamenta Univerziteta za neispunjavanje povjerenih im poslova vezanih uz rad Studentskog parlamenta Univerziteta i
- ostala pitanja važna za rad Studentskog parlamenta Univerziteta.

#### **Član 2.**

- (1) Na Univerzitetu se usniva Studentski parlament PIM Univerziteta (u nastavku: Studentski parlament) u skladu sa Zakonom o visokom obrazovanju, Statutom Univerziteta i ovim Statutom.
- (2) Studentski parlament Univerziteta je studentsko predstavničko tijelo organizovano na razini Univerziteta.
- (3) Puni naziv Studentskog parlamenta Univerziteta glasi: Studentski parlament PIM Univerziteta.
- (4) Skraćeni naziv Studentskog parlamenta Univerziteta glasi: SPPIM.
- (5) Sjedište Studentskog parlamenta je u Banjoj Luci, u sjedištu Univerziteta, ulica Despota Stefana Lazarevića bb.

### **II. ZASTUPANJE I PREDSTAVLJANJE**

#### **Član 3.**

- (1) Predsjednik Studentskog parlamenta Univerziteta zastupa i predstavlja Studentski parlament Univerziteta u nacionalnim tijelima unije studenata i tijelima Univerziteta u skladu sa Zakonom i ovim Statutom.
- (2) U slučaju neprisustvovanja ili spriječenosti, Predsjednika Studentskog parlamenta zamjenjuje podpredsjednik.

### **III. ZADACI STUDENTSKOG PARLAMENTA UNIVERZITETA**

#### **Član 4.**

Zadaci Studentskog parlamenta Univerziteta jesu:

- bira studentske predstavnike u Senat i druga tijela Univerziteta, te učestvuje u radu i odlučivanju tih tijela,
- bira studentske predstavnike u odgovarajuće organizacije, ustanove i trgovačka društva,
- donosi plan i program rada Studentskog parlamenta,
- brine o kvalitetu života studenata, a posebno o kvalitetu studijskog procesa, studentskom standardu, ostvarivanju studentskih prava i drugim pitanjima važnim za studente Univerziteta,
- podstiče izvannastavne aktivnosti studenata Univerziteta,
- predlaže Statut Studentskog parlamenta Univerziteta,
- obavlja druge poslove od interesa za studente Univerziteta.

#### IV. SASTAV STUDENTSKOG PARLAMENTA UNIVERZITETA

##### Član 5.

- (1) Studentski parlament čine predstavnici studenata svih organizacionih jedinica Univerziteta (u nastavku teksta, OJ) i svih godina studija, pri čemu se iz svake OJ i svake godine studija unutar nje bira najmanje po jedan član.
- (2) Članovi Studentskog parlamenta Univerziteta su i članovi Skupštine Studentskog parlamenta.
- (3) Studenti drugog i trećeg ciklusa studiju učestvuju u radu Studentskog parlamenta, a sa svake OJ se bira najmanje po jedan član.

##### Član 6.

- (1) Mandat članova Studentskog parlamenta Univerziteta traje jednu godinu i može se ponoviti.
- (2) Član Studentskog parlamenta Univerziteta može biti razriješen dužnosti prije isteka mandata na koje je izabran:
  - prestankom statusa studenta
  - danom podnošenja ostavke
  - ako student u posljednje dvije godine studija nije sakupio minimalno 60 ECTS bodova
  - ako zbog objektivnih okolnosti nije u stanju obavljati dužnost.
  - ako ne učestvuje u radu Studentskog parlamenta Univerziteta i tijelima Studentskog parlamenta Univerziteta bez opravdanog razloga najmanje tri mjeseca u toku akademske godine
  - svojim ponašanjem teško povrijedi ugled Studentskog parlamenta Univerziteta.
- (3) Odluka o razrješenju donosi se dvotrećinskom većinom od ukupnog broja članova Studentskog parlamenta.
- (4) U slučaju prestanka mandata članu Studentskog parlamenta prije isteka vremena na koji je izabran, zamjenjuje ga njegov zamjenik odnosno kandidat za studentskog predstavnika koji je sljedeći na izbornoj listi s koje je student izabran, a ako to nije moguće sprovode se izbori za novog člana Studentskog parlamenta. Tako izabrani član ima mandat koji odgovara mandatu člana umjesto kojega je izabran.

#### V. IZBOR ČLANOVA STUDENTSKOG PARLAMENTA UNIVERZITETA

##### Član 7.

- (1) Izbori za članove i zamjenike Studentskog parlamenta Univerziteta održavaju se u pravilu između 1. i 30. novembra svake kalendarske godine.
- (2) Studentske predstavnike u Studentski parlament Univerziteta imaju pravo birati svi studenti Univerziteta.
- (3) Izbori se raspisuju na nivou Univerziteta, a sprovode se za svaku OJ posebno.
- (4) Predsjednik Komisije za kvalitet Univerziteta raspisuje izbore najmanje 30 dana prije njihovog održavanja i imenuje Izbornu komisiju Univerziteta koja sprovodi izbore.
- (5) Kandidature se podnose Izornoj komisiji najkasnije 10 dana prije održavanja izbora, a objavljuju se najmanje 8 dana prije sprovođenja izbora.
- (6) Pravilnikom o studentskim izborima za Studentski parlament Univerziteta pobliže se određuje izborni postupak.
- (7) Pravilnik o izborima za Studentski parlament Univerziteta na prijedlog Predsjednika Studentskog parlamenta donosi Senat Univerziteta.
- (8) Pravilnik za provedbu izbora za Studentski parlament Univerziteta donosi se najkasnije tri (3) mjeseca prije održavanja studentskih izbora.

## VI. TIJELA STUDENTSKOG PARLAMENTA UNIVERZITETA

### Član 8.

Tijela Studentskog parlamenta Univerziteta su: Predsjednik i Skupština Studentskog parlamenta Univerziteta.

#### VI. 1. Predsjednik Studentskog parlamenta Univerziteta

### Član 9.

- (1) Studentski parlament Univerziteta ima Predsjednika.
- (2) Predsjednik Studentskog parlamenta:
  - predstavlja i zastupa Studentski parlament Univerziteta,
  - koordinira rad Studentskog parlamenta Univerziteta,
  - upućuje prijedloge opštih akata Skupštini Studentskog parlamenta Univerziteta
  - učestvuje u radu Unije studenata Republike Srpske i BiH,
  - sprovodi odluke i zaključke Skupštine Studentskog parlamenta,
  - obavlja druge poslove utvrđene Zakonom i ovim Statutom.
- (3) Predsjednik Studentskog parlamenta Univerziteta svakih 6 mjeseci, podnosi Skupštini Studentskog parlamenta izvještaj o radu i poslovanju Studentskog parlamenta Univerziteta.
- (4) Predsjednik može imenovati savjetnike, odbore, stručne komisije ili radne grupe za obavljanje pojedinih poslova iz svog djelokruga. Broj savjetnika te sastav stručnih tijela ili radnih grupa, kao i djelokrug njihovog rada poblize se određuju odlukom o imenovanju.

### Član 10.

- (1) Za Predsjednika Studentskog parlamenta Univerziteta može biti izabran član Studentskog parlamenta Univerziteta.
- (2) Mandat Predsjednika Studentskog parlamenta Univerziteta traje jednu akademsku godinu i može se ponoviti.
- (3) Postupak izbora Predsjednika Studentskog parlamenta Univerziteta vrši se na konstitutivnoj sjednici Skupštine Studentskog parlamenta Univerziteta, nakon provedenih studentskih izbora najkasnije 15 dana od izbora.
- (4) Konstitutivnu sjednicu Skupštine Studentskog parlamenta Univerziteta saziva predsjednik Komisije za kvalitet Univerziteta. Sjednicu vodi najstariji član.
- (5) Kandidate za Predsjednika Studentskog parlamenta Univerziteta mogu predlagati svi članovi Skupštine Studentskog parlamenta Univerziteta.
- (6) Za predsjednika Studentskog parlamenta Univerziteta izabran je kandidat koji je dobio natpolovičnu većinu glasova svih članova Skupštine Studentskog parlamenta Univerziteta s pravom glasa.
- (7) Ako nijedan od kandidata za Predsjednika Studentskog parlamenta Univerziteta u prvom krugu ne dobije potrebnu većinu glasova članova Skupštine Studentskog parlamenta s pravom glasa, u drugom se krugu bira između onih dvaju kandidata koji su u prvom krugu dobili najveći broj glasova.
- (8) Glasanje se obavlja tajno pomoću glasačkih listića ukoliko Skupština ne odluči drugačije.

### Član 11.

- (1) U slučaju spriječenosti predsjednika Studentskog parlamenta Univerziteta da obavlja svoje dužnosti (odsutnost, bolest i sl.) zamjenjuje ga podpredsjednik.
- (2) Podpredsjednik Studentskog parlamenta Univerziteta ima sve ovlasti i obavlja sve poslove Predsjednika Studentskog parlamenta Univerziteta utvrđene Zakonom i ovim Statutom u slučaju spriječenosti predsjednika.
- (3) U slučaju spriječenosti Predsjednika Studentskog parlamenta dužem od tri mjeseca, Skupština Studentskog parlamenta Univerziteta pokreće postupak izbora novog Predsjednika Studentskog parlamenta Univerziteta.

### **Član 12.**

Predsjednik može biti razriješen dužnosti prije isteka mandata ako:

- sam zatraži razrješenje,
- trajno izgubi sposobnost obavljanja dužnosti,
- prestankom statusa studenta Univerziteta,
- zloupotrijebi položaj predsjednika ili prekorači njegova ovlaštenja,
- svojim ponašanjem teško povrijedi ugled dužnosti koju obavlja.

### **Član 13.**

(1) Odluku o pokretanju postupka razrješenja predsjednika Studentskog parlamenta Univerziteta donosi Skupština Studentskog parlamenta Univerziteta na temelju pismeno obrazloženog zahtjeva za pokretanje toga postupka 1/3 članova Skupštine Studentskog parlamenta Univerziteta s pravom glasa, te uz najavu na prethodnoj sjednici.

(2) Tako sazvanu sjednicu saziva Predsjednik Studentskog parlamenta, a vodi njegov zamjenik.

(3) U postupku odlučivanja o razrješenju, predsjedniku Studentskog parlamenta Univerziteta mora se pružiti mogućnost o izjašnjavanju o razlozima za razrješenje.

(4) O razrješenju odlučuje Skupština Studentskog parlamenta Univerziteta dvotrećinska svih članova Skupštine s pravom glasa i to javnim glasanjem.

(5) Odluka kojom se Predsjednik Studentskog parlamenta razrješava dužnosti mora biti dostavljena Rektor Univerziteta u roku od osam dana od dana njenog donošenja.

### **Član 14.**

U slučaju razrješenja Predsjednika Studentskog parlamenta Univerziteta, Skupština Studentskog parlamenta Univerziteta imenuje zamjenika Predsjednika Studentskog parlamenta Univerziteta za v.d. dužnosti Predsjednika Studentskog parlamenta Univerziteta do izbora novog Predsjednika Studentskog parlamenta Univerziteta, a najduže na dva mjeseca.

## **VI. 2. Skupština Studentskog parlamenta Univerziteta**

### **Član 15.**

(1) Skupštinu Studentskog parlamenta Univerziteta (u nastavku: Skupština) čine svi članovi Studentskog parlamenta Univerziteta.

(2) Sjednicima Skupštine Studentskog parlamenta Univerziteta predsjedava Predsjednik Studentskog parlamenta, a u slučaju odsutnosti podpredsjednik.

(3) Skupština Studentskog parlamenta:

o predlaže Senatu Statut Studentskog parlamenta Univerziteta

o donosi opšte akte

o bira Predsjednika i podpredsjednika Studentskog parlamenta Univerziteta

o bira studentske predstavnike u Senat Univerziteta,

o predlaže Senatu Univerziteta kandidata(e) za imenovanje predstavnika studenta u Upravnom odboru Univerziteta,

o predlaže Senatu Univerziteta kandidata(e) za imenovanje predstavnika studenta u odbore, komisije i radne grupe Univerziteta,

o raspravlja o radu Studentskog parlamenta Univerziteta,

o obavlja i druge poslove utvrđene Zakonom i ovim Statutom.

(4) Skupština može ovlastiti druga stručna tijela za obavljanje pojedinih poslova iz svog djelokruga u skladu s ovim Statutom.

(5) Skupština se mora sazvati najmanje sedam dana prije održavanja pismenim ili digitalnim putem.

(6) Vanredno se sjednica može sazvati u kraćem roku, ali uz pismenu ili digitalnu suglasnost polovine svih članova skupštine.

(7) Sjednice skupštine su javne i na njima imaju pravo prisustvovati svi studenti Univerziteta i druge zainteresovane osobe. Studenti koji žele prisustvovati sjednici, obvezni su se najaviti tri dana prije sjednice i smatraju se gostima Skupštine.

(8) Skupština se vanredno može zatvoriti za javnost ukoliko to odluči nad polovična većina skupštine.

## VII. NAČIN RADA STUDENTSKOG PARLAMENTA UNIVERZITETA

### Član 16.

(1) Studentski parlament Univerziteta radi na sjednicama Skupštine Studentskog parlamenta Univerziteta koje se održavaju najmanje jednom u mjesec dana u toku trajanja nastave.

(2) Predsjednik je dužan sazvati sjednicu Skupštine Studentskog parlamenta na pisani zahtjev jedne trećine članova Skupštine Studentskog parlamenta Univerziteta. Takav zahtjev sadrži i prijedlog dnevnog reda.

(3) Ako Predsjednik Skupštine ne sazove sjednicu u roku od osam (8) dana od dana podnošenja zahtjeva, članovi Skupštine Studentskog parlamenta koji su predložili sazivanje sjednice mogu sami sazvati sjednicu Skupštine.

### Član 17.

(1) Skupština poslove iz svoga djelokruga obavlja na sjednicama. Skupština može odlučivati ako je na sjednicama prisutna nadpolovična većina od ukupnog broja njegovih članova.

(2) Skupština donosi odluke većinom glasova prisutnih članova, izuzevši slučajeve u kojima ovaj Statut određuje drugačije.

(3) Za sva razriješenja dužnosti i promjene statuta potrebna je dvotrećinska većina glasova svih članova Skupštine s pravom glasa.

(4) Postupak sprovođenja tajnog glasanja, kao i rad i način donošenja odluka bliže se određuje Poslovníkom o radu Skupštine studentskog parlamenta.

(5) Sva glasanja su javna osim ako skupština nadpolovičnom većinom odluči drugačije.

## VIII. PREDSTAVNICI STUDENATA U TIJELIMA UNIVERZITETA

### Član 18.

(1) Članovi Skupštine učestvuju u radu svih tijela Univerziteta u kojima učestvuju studenti u skladu sa Statutom Univerziteta.

(2) Skupština u skladu sa Statutom Univerziteta bira predstavnike studenta i njihovih zamjenika za članove Senata.

(3) Pri izboru predstavnika studenata za članove Senata studenti moraju voditi računa o zastupljenosti različitih studijskih programa.

(4) Studentske predstavnike za članove Senata bira Skupština nakon provedenih studentskih izbora na konstituirajućoj sjednici Skupštine javnim glasanjem.

(5) Skupština može odlučiti da se izbori za studentske predstavnike u Senat sprovodi tajnim glasanjem.

(6) Postupak izvođenja tajnog glasanja bliže se određuje Poslovníkom o radu Skupštine studentskog parlamenta.

(7) Kandidate za izbor studentskih predstavnika za članove Senata mogu predlagati svi članovi Skupštine.

(8) Za članove Senata izabrani su predstavnici studenata koji su dobili većinu glasova svih članova Skupštine.

(9) Izabrani studentski predstavnici za članove Senata postaju članovi Senata nakon potvrde rezultata izbora na sjednici Senata u skladu sa Statutom Univerziteta.

(10) Mandat studentskog predstavnika u Senatu traje jednu godinu i može se ponoviti.

### Član 19.

(1) Izabrani predstavnici studenata za članove Senata obvezni su učestvovati u radu sjednica Senata, zastupati interese studenta i redovito izvještavati Skupštinu o odlukama i zaključcima Senata.

- (2) Studentski predstavnik - član Senata može biti razriješen dužnosti prije isteka mandata na koji je izabran ako:
- o sam zatraži razrješenje
  - o ne ispunjava dužnost člana Senata
  - o učestalo se ne pridržava naputaka o radu dobivenih od strane skupštine
  - o radi protivno odluci skupštine
  - o prestankom statusa studenta
- (3) Razrješenje člana Senata u slučajevima iz prethodnog stavka ovog članka provodi Skupština.
- (4) Odluku o pokretanju postupka razrješenja donosi Skupština natpolovičnom većinom glasova Skupštine.
- (5) Član Senata-studentski predstavnik koji je razriješen dužnosti zamjenjuje se novim članom na način i u postupku utvrđenom članom 6. ovog Statuta.
- (6) U slučaju razrješenja studentskog predstavnika - člana Senata, izabrani studentski predstavnik za člana Senata dovršava mandat prethodnog člana Senata.

#### **Član 20.**

- (1) Skupština u skladu sa Statutom Univerziteta predlaže Senatu jednog člana Skupštine za predstavnika studenta u Upravnom odboru Univerziteta.
- (2) Studentskog predstavnika za člana Upravnog odbora predlaže Senatu Skupština nakon provedenih studentskih izbora na konstitutivnoj sjednici Skupštine javnim glasanjem.
- (3) Kandidata za studentskog predstavnika za člana Upravnog odbora mogu predlagati svi članovi Skupštine.
- (4) Za kandidata za člana Upravnog odbora izabran je predstavnik studenata koji je dobio natpolovičnu većinu glasova svih članova Skupštine.
- (5) Predloženog studentskog predstavnika na prijedlog Skupštine za Upravnog odbora imenuje Senat.
- (6) Mandat studentskog predstavnika u Sveučilišnom savjetu traje jednu godinu i može se ponoviti.
- (7) Studentski predstavnik-član Upravnog odbora može biti razriješen prije isteka mandata na način i u postupku utvrđenom u članu 19. ovog Statuta za razrješenje studentskog predstavnika-člana Senata.

#### **Član 21.**

- (1) Studentski predstavnici-članovi Skupštine učestvuju u radu univerzitetskih tijela i komisija u skladu sa Statutom Univerziteta.
- (2) Kandidate za članove univerzitetskih tijela i komisija predlaže Skupština, a imenuje ih Senat.

### **IX. OPŠTI AKTI**

#### **Član 22.**

- (1) Statut je temeljni akt Studentskog parlamenta Univerziteta.
- (2) Statut Studentskog parlamenta Univerziteta donosi Senat na prijedlog Skupštine Studentskog parlamenta Univerziteta.
- (3) Izmjene i dopune Statuta donose se na dvotrećinskom većinom svih članova sa pravom glasa.

#### **Član 23.**

- (1) Opšte akte Studentskog parlamenta donosi Skupština i Senat u skladu sa Zakonom.
- (2) Skupština podnosi prijedlog Pravilnika o izborima u studentski parlament Senatu, koji ga usvaja.
- (3) Skupština donosi Poslovnik o radu Skupštine Studentskog parlamenta

#### **Član 24.**

Skupština će donijeti i predložiti opšte akte utvrđene članom 23. ovog Statuta u roku od šest (6) mjeseci od dana stupanja na snagu ovog Statuta, ukoliko Zakonom nije utvrđen drugi rok.

## X. PRELAZNE I ZAVRŠNE ODREDBE

### **Član 25.**

Ovaj Statut stupa na snagu danom donošenja. Njegovim donošenjem prestaju da važe odredbe ranije donesenih statuta i odluka o njegovim dopunama i izmjenama.

Predsjednik studentskog parlamenta  
Igor Šabić

Predsjedavajući Senata  
prof. dr Žarko Pavić